

telebista ♦ irratia

‘Megasonikoak’ etzi, ETB1ean

laburrean

Animaziozko film onenaren Goya saria jaso zuen Baleukoren lanak 1998an

Erredakzioa / Donostia

ETB1ek *Megasonikoak* animaziozko filma emango du etzi, urtarrilaren 6an, arratsaldeko seiak aldera. Bizkaiko Baleuko ekoiztetxeak egin zuen, orain dela bizpahiru urte, eta animaziozko film onenaren Goya saria irabazi zuen 1998an. Donostiako Zinemaldian estreinatu ostean, Euskal Herriko zein kanpoko hainbat zinema aretotan eskaini zuten. Baleukorentzat erronka handia izan zen; izan ere, ordenagailuz hiru dimentsiotan eginiko lehen filma izan zen European.

BALEUKO ekoiztetxearentzat, apustu ausarta izan zen *Megasonikoak*. «Bi urte oso eman ditugu proiektu honen menpean», adierazi zion EGUNKARIARI Eduardo Barinaga Baleukoko ekoizleak 1998ko otsailean. «Baleukoren zeregin guztia baldintzatu du, diru asko eta aha-legin handia eskatu digulako», esan zuen orduan. Baina ahalegina ez zen ezerezean geratu; izan ere, besteak beste, Espainiako Arte eta Zientzia Zinematografikoen Akademiaren Goya saria irabazi zuen animaziozko filmen atalean, 1998an.

1997an estreinatu zuten, Donostiako Zinemaldian; eta ondoren, Euskal Herriko zein kanpoko zinema aretoetan eskaini zuten.



EGUNKARIA

Megasonikoak animaziozko filma urtarrilaren 6an emango du euskal kateak, arratsaldeko seiak aldera.

European ordenagailu hutsez egindako lehenengo film luzea da, hiru dimentsiokoa. Jose Martinez Monterok eta Javier Gonzalez de la Fuentek zuzendu zuten, Iñaki Madariaga animazio zuzendariarekin batera.

Sinteticom Unibertsoko diktadorearen inguruan asmatutako istorioa azaltzen du. Galaxiako biztanleen gogoak kontrolpean du, eta galaxiako memoria musikala, adibidez, aspaldi ezabatu zuen; eta horrenbestez, isiltasuna da nagusi.

‘Mulan’, ‘Anastasia’ eta ‘Moby Dick’

■ *Megasonikoak* lanaz gainera, *Mulan*, *Anastasia* eta *Moby Dick* ere emango ditu egunotan euskal kateak. Hiru lan horiek joandako hiletan ere emititu zituen, baina berriro ematea erabaki dute ETBko arduradunek.

Gaur, *Mulan* emango dute, 19:30etan. Txinako neskato ausart baten gaineko istorioa kontatzen du. Aita gaixo duela eta, *Mulan* bera joango da ge-

rrara, eta ausardia handiko ekintzak egingo ditu.

Bihar, berriz, *Moby Dick*, emango dute. Jakina denez, Herman Melville idazlearen eleberri ospetsuan dago oinarrituta.

Ostiralean, urtarrilaren 7an, *Anastasia* eskainiko dute, 19:30etan. Errusiako Nikolas tsarraren alaba da *Anastasia*. Ume zelarik memoria galdu zuen, eta hazitakoan nor den ikeritzen hasiko da.



Jose Maria Setien gotzaina izango da gaur ‘El punto...’ saioan

Jose Maria Setien Donostiako apezpikua izango da *El punto...* ETB2ko saioko gonbidatua gaur goizean. Juan Luis Bikuñak zuzentzen du gaur egungo gaien gaineko saio hori. Beste gauza batzuen artean, Euskal Herriko bake prozesuaz galdetuko diote Jose Maria Setien Donostiako apezpikuari.

Jose Ramon Etxebarria eta Jose Luis Herrero irakasle kaleratuak ‘Forum’-en

Jose Ramon Etxebarria eta Jose Luis Herrero EHUKo irakasle zigortuak elkarrizketatuko ditu gaur goizean David Barberok *Forum* saioan. Irakasle kaleratuaren gaineko liburua argitaratu dute, eta bertan euren aldarrikapenen berri eman eta zer zigor jarri dieten azaltzen dute. Horretaz gainera, EHUKo lan eta ikasketen arloetako planteamen-
duak ere izango dituzte hizpide.

Gripeari buruzko erreportaia ‘Bertatik bertara’-n

Gripeari buruzko erreportaia emango dute gaur gauean ETB1ean, *Bertatik bertara* saioan. Egunotan jende asko dago gripeak jota gaixo; eta gaixotasun horren ezaugarrien berri emango dute *Bertatik bertara*. Bestalde, Juan Kruz Mendizabal eta Maider Zabalegi ohiko solaskideek eguneko gaiak aztertuko dituzte, Andoni Aizpuru aurkezlearekin batera.

Venezuelako hondamendiari buruzko saioa ETB2an

■ Gaur arratsaldean ‘*Esta es mi gente*’ berezia egingo dute, Patricia Gaztañagak aurkeztuta

Erredakzioa / Donostia

ITZELAK pasatzen ari dira Venezuelen. 30.000 lagun inguru hil dira joandako egunotan, eta desagertuak ere ez dira gutxi. Hondamendia galanta da, eta aurrera begira izugarritzko lana egin beharko da hankaz gora geratu diren inguruneak garbitu eta berreraikitzeko.

Hangoen berri eman, elkartasuna erakutsi eta diruz ere laguntzeko, *Esta es mi gente* saioa berezia egingo dute gaur ETB2an. Arratsaldean hasiko da, eta hainbat gonbidatu izango ditu, batzuk platoon eta beste batzuk telefonoaren beste aldean. Jose Vicente Rangel Venezuelako lehen ministroarekin ere hitz egingo dute,



Venezuelan 30.000 biztanle inguru hil dira egunotan.

telefonoz. Bereziartua eta Olaizola familiako kideekin ere izango dira. Euskal jatorrikoak dira eta Venezuelen bizi dira. Bilboko Venezuelaren Kontsulatuko ardurdun Jose Javier Loiola ere izango da saioan.

Venezuelako herritarrei diruz laguntzeko, Euskadiko Kutxako kontu zenbaki baten berri ere emango dute ETB2ko programan. Hona-ko hau da, hain zuzen: 3035 0006 8/1 006.0.01329.3